

DÉZIÈM PATI

Sélébrasion mistè krétyin-an

DÉZIÈM SÉKSION

Sèt sakréman l'Égliz-la

KATRIYÈM CHAPIT

Lòt sélébrasion litijik-yo

ATIK 2

Finéray krétyin-yo

1680 Tout sakréman-yo, épi sitou sakréman inisiasion krétyin-yo, gin kòm
1525 finalité dènié Pak pitit Bondié-a, sa k-ap fè-l antré nan Rouayòm lavi-a
palintèmediè lanmò-a. Lè sa-a sa yo déklaré nan lafoua-a ak éspérans-la
ap akonpli : « M-ap tann tout mò lévé, m-ap tann lavi k-ap vini-an »
(Symbole de Nicée-Constantinople).

I. Dènié Pak krétyin-an

1681 Signifikasion lanmò krétyin-an révéle nan limiè *mistè Paskal* lanmò ak
1010-1014 rézirkéksion Kris-la, koté sèl éspérans nou-an répozé. Krétyin-an ki mouri
nan Kris Jézu, fè pèlerinaj louin kò-a pou-l prézan kot Granmèt-la (2 Co
5, 8).

1682 Jou lanmò-a pou krétyin-an, nan *fin lavi sakramantèl-li*, inogiré
achèvmàn nouvo nésans li-a ki kòmansé nan Batèm-nan, « résanblans »
définitif ak « pòtré Pitit-la » onksion Éspri-Sin-an té bay-la épi
patisipasion nan résépsion Rouayòm-nan, sa ki té antisipé nan Ékaristi-a,
minm si t-a gin dènié purifikasion ki nésésè pou li toujou pou-l kapab
abiyé ak rad nòs-la.

1683 L'Égliz-la ki té poté krétyin-an anndan-l tankou yon Manman, pandan
1020 tout pèlerinaj li sou tè-a sakramantèlman, li akonpagné-l nan finisman
chémin-l, pou-l rinmèt li « nan min Papa-a ». Li ofri pitit lagras li-a bay

627 Papa-a nan Kris-la, épi li dépozé-l nan tè-a, ak éspérans, sémans kò-a ap résisité nan gloua-a (cf. 1 Co 15, 42-44). Ofrann sa-a yo sélébré-l anplin nan Sakrifis ékaristik-la ; bénédikcion ki vîn anvan-yo oubyin sa-k suiv-yo sé sakramantèl yo yé.

II. Sélébrasion finéray-yo

- 1684 Finéray krétyin-yo sé yon sélébrasion litijik. Avèk sa ministè l'Égliz-la chèché ékspriyé kominion éfikas avèk *défin-an* antan-l fè *kominoté-a* ki réyini pou finéray-yo patisipé ladan-l pou-l anonsé-l lavi pou tout tan-an.
- 1685 Diféran rit finéray-yo ékspriyé *karaktè Paskal* lanmò krétyin-an épi korésponn ak sitiasion épi tradision chak réjion, minm pou sa ki konsèné koulè litijik-la (cf. SC 81).
- 1686 *Ordo exsequiarum* (OEx), *Rituèl finéray* litiji Romin-an propozé toua tip sélébrasion finéray, ki korésponn ak toua koté li kapab déroulé (nan kay-la, nan légliz-la, nan simitiè-a), épi dapré inpòtans fanmi-an bay sa, abitud réjion-an, kilti épi piété popilè-a. Dayè déroulman sa-a komin pou tout tradision litijik-yo épi li gin kat moman prinsipal :
- 1687 *Akèy kominoté-a*. Salutasion lafoua-a ouvri sélébrasion-an. Yo résévoua moun ki té pròch défin-an ak yon paròl « konsolasion » (nan sans Nouvo Téstaman-an : fòs Éspri-Sin-an nan éspérans-la ; cf. 1 Th 4, 18). Kominoté k-ap priyé-a ki rasanblé ap tann tou « paròl lavi pou tout tan-an ». Lanmò yon manb nan kominoté-a (oubyin jou anivèsé, oubyin sètièm jou-a oubyin trantièm jou-a) sé yon évenman ki doué fè yo dépasé pèspèktiv « tè sa-a » épi minnin fidèl-yo nan véritab pèspèktiv lafoua nan Kris-la ki résisité-a.
- 1688 *Litiji Paròl-la*, nan finéray-yo, égzijé yon préparasion pi atantif nan mézi kominoté ki prézan lè sa-a kapab gin ladan-l fidèl ki pa abitué al nan litiji-yo épi zanmi défin-an ki pa krétyin. Oméli-a sitou doué évitè stil litèrè éloj funèb-la (OEx 41) épi kléré mistè lanmò krétyin-an nan limiè Kris-la ki résisité-a.
- 1689 *Sakrifis ékaristik-la*. Lè sé nan yon légliz yo fè sélébrasion-an, Ékaristi-a sé kè réalité Paskal lanmò krétyin-an (cf. OEx 1). Lè sa-a l'Égliz-la ékspriyé kominion éfikas li-a ak défin-an : antan-l ofri Papa-a, nan Éspri-Sin-an, sakrifis lanmò ak rézireksion Kris-la, l-ap mandé-l pou pitit li-a purifié anba konsékans péché-l yo épi pou yo résévoua-l (admèt li) sou tab plénitud Pak Rouayòm-nan (cf. OEx 57). Palintèmédiè Ékaristi-a yo sélébré konsa, kominoté fidèl-yo, spésialman fanmi défin-an, aprann viv nan kominion avèk sa-a ki « dòmi nan Granmèt-la », antan yo kominié nan kò Kris-la, sa défin-an sé manb vivan ladan-l nan épi antan yo priyé pou li épi avèk li.
- 1371
- 958

1690 *Orévoua-a* (nan pliziè lang ki sot nan latin sé « adieu », « addio »,
 « adiós » = rinmèt bay Bondié) sé « rékomandé » défin-an bay Bondié
 2300 palintèmediè l'Égliz-la. Sé « dènié salutation kominoté krétyin-an bay
 yon manb li ansanm, anvan yo poté kò-l alé oubyin antéré-l » (OEx 10).
 Tradision Bizantin-an éksprimé sa palintèmediè bo orévoua pou défin-an :

Ak dènié salutation sa-a « yo chanté poutèt l-ap kité lavi sa-a épi l-ap séparé,
 min tou paské gin kominion ak rasanbléman, nan mézi lè nou mouri nou pa
 janm séparé vrèman youn ak lòt ; nou tout réyéلمان n-ap fè minm chémin-
 an épi nou pral rankontré minm koté-a, nou pap janm séparé, paské n-ap viv
 pou Kris-la, épi kounié-a nou fè youn ak Kris-la, n-ap maché pou-n al jouinn
 li [...] n-ap ansanm ak tout fidèl Kris-la an minm tan » (Saint Syméon de
 Thessalonique, *De ordine sepulturae*, 367 : PG 155, 685B).

[◀Atik
anvan-an](#)

[Gid jénéral-la](#)

[Atik▶
après-a](#)